

Na osnovu člana 4.2. i 4.7. Zakona o prijenosu, regulatoru i operatoru sistema električne energije u Bosni i Hercegovini („Službeni glasnik BiH“, br. 7/02, 13/03, 76/09 i 1/11), člana 33. Poslovnika o radu Državne regulatorne komisije za električnu energiju („Službeni glasnik BiH“, broj 2/05) i člana 49. stav (7) Pravilnika o licencama („Službeni glasnik BiH“, broj 63/16), Državna regulatorna komisija za električnu energiju, na sjednici održanoj 28. decembra 2016. godine, donijela je

ODLUKU O NASTAVKU KORIŠTENJA LICENCE

1. Društvo *HEP-Trade, d.o.o. Mostar*, sa sjedištem u Mostaru, u ulici Kralja Tomislava 11b, vlasnik licence za obavljanje djelatnosti međunarodne trgovine električnom energijom, registracijski broj: 05-28-12-264-17/15 od 18. novembra 2015. godine, nastavlja sa korištenjem ranije dodijeljene licence pod nazivom *HEP-Trade, d.o.o. Mostar*, sa sjedištem u Mostaru, Vukovarska bb, uz neizmijenjene uvjete licence.
2. Ova odluka stupa na snagu danom donošenja, a dispozitiv odluke bit će objavljen u "Službenom glasniku BiH", službenim glasilima entiteta i u "Službenom glasniku Brčko Distrikta BiH".

Obrazloženje

Društvo *HEP-Trade, d.o.o. Mostar*, sa sjedištem u Mostaru, u ulici Kralja Tomislava 11b, vlasnik je licence za obavljanje djelatnosti međunarodne trgovine električnom energijom koja mu je izdata Odlukom Državne regulatorne komisije za električnu energiju (u daljem tekstu: DERK), broj: 05-28-12-264-17/15 od 18. novembra 2015. godine, na period od 1. decembra 2015. godine do 30. novembra 2020. godine.

Vlasnik licence je aktom zavedenim pod brojem: 05-28-12-385-1/16 od 21. decembra 2016. godine, prijavio DERK-u promjenu adrese sjedišta društva, sa traženjem da se ovi podaci izmijene u službenim evidencijama.

Prijava izmijenjenih podataka potkrijepljena je i odgovarajućom dokumentacijom zavedenom pod gore navedenim brojem, te je uvidom u Rješenje o izmjenama podataka Općinskog suda u Mostaru, broj: Tt-O-668/16 od 16. septembra 2016. godine, utvrđeno da su u sudski registar pomenutog Suda upisani podaci o nazivu, skraćenom nazivu i novom sjedištu društva. Postupak registracije promijenjenih podataka o istom subjektu u odgovarajućem registru vlasnika dozvole za obavljanje djelatnosti snabdijevanja električnom energijom - dozvole II reda, u toku je i kod Regulatorne komisije za energiju u Federaciji BiH.

Imajući u vidu da se, shodno Pravilniku o licencama, promjenom licence ne smatra promjena naziva, sjedišta ili adrese vlasnika licence, a uvažavajući činjenicu da promijenjeni podaci nemaju utjecaj na pravni položaj vlasnika licence i daljnje nesmetano korištenje licence od strane istog pravnog lica, to je na osnovu člana 49. stav (7) Pravilnika o licencama donijeta odluka kao u dispozitivu.

U skladu sa članom 9.2. Zakona o prijenosu, regulatoru i operatoru sistema u Bosni i Hercegovini, protiv ove odluke može se pokrenuti postupak pred Sudom Bosne i Hercegovine podnošenjem tužbe u roku od 60 dana od dana prijema ove odluke.

Broj: 05-28-12-385-2/16
28. decembra 2016. godine

Tuzla

Predsjedavajući Komisije

Suad Zeljković